

國家圖書館藏

綫裝書局

中華歷史人物別傳集

劉雨亭先生事畧



劉雨亭先生肖像

劉雨亭先生事略

序言

晚近商界中。風會澆漓。人心不古。求其品行端方。才德兼備。器量恢廓。事業廣大者。不數數覩。如而亭劉公。其人其事。可以風矣。公世居郇之秦城村。家本素封。公幼時。適值中落。十餘歲。遭回逆之變。運際迍邐。諸艱備嘗。出入危險之中。九死一生。古所謂生於憂患者。未可謂非不幸之幸也。

後無幾。棲身秦元湧號。磨鍊既久。動忍益堅。經濟才略。始克大展。其所以舉而措之裕如者。皆自其少年經驗中來也。居金城。歷有年所。德望益隆。朋友中。排難解紛之事。指不勝屈。一時口碑載道。遐邇咸欽。識與不識。莫不知公為長者。其在號也。培植人才。肅紀綱。明賞罰。號規森嚴。上下悅服。秦元湧事業。闢隴之中。聲望洋溢。皆公提倡之力。其在家也。事親孝。持身正。兄弟友愛。伯仲間怡怡。

如也。而且睦姻任恤。親戚鄉黨之中。貧乏者周濟之。困難者推解之。一時食其惠者。皆頌其德而歌其功。尤可敬者。生平操守謹嚴。自奉儉約。而於捐助義舉之事。仗義疏財。慷慨自矢。蘭垣桑梓。兩地之間。公竭力倡辦。種種善事。不勝枚舉。洎乎晚年。息肩同人。超然世外。舉四方名勝之地。一一皆親身閱歷。所至之處。耳其名者。莫不歡迎道左。望塵莫及。藉非令德遐播。何克臻此耶。噫嘻。靈椿雖老。丹桂爭芳。今慶蘭等頭角崢嶸。階下林立。皆公之陰德感召。有以致之也。丁巳孟春。公東君執亭王用中先生等。與伊號代表厚齋謝天祐先生等。縷陳公生平事略。不忍湮沒。乞雲狀之。雲曰。此甚盛事。風會人心所關。不可不表揚而出之。不敢作諛詞。亦不敢以不文謝。爰遵其節略而謹述之。是為序。

劉雨亭先生事略

目次

第一節 公之家世及其幼年時代

第二節 自回營歸途中之險象

第三節 公初至蘭泰元湧號事之拮据

第四節 公之苦心與泰元湧事業之發達

第五節 治家之嚴整

第六節 桑梓金城兩地方之義舉

劉雨亭先生事略

西安露光印字館印

第七節 四方名勝之遊歷

第八節 蘭省榮歸現時之情狀

結論

跋後

劉雨亭先生事略

第一節 公之家世及其幼年時代

公諱凌霄。雨亭其字也。其先世江南徐州西關外劉家台人。明洪武時遷山西。繼遷陝西華州。始祖國用公。終遷陝之郃陽秦城村。入神原里五甲籍。世有令德。為郃望族。曾祖諱秉榮。祖諱仁懷。累葉數傳。皆積功累仁。至先太公而始發迹焉。

劉雨亭先生事略

西安露光印字館印

先太公諱清鳳。字鳴岡。行二。清咸豐年間。在湖南永興縣作幕。時值長髮作亂。勦辦軍務。蒙駱撫憲獎予六品軍功。未幾以母老。乞終養。旋歸故里。事親課子。樂叙天倫。遂以不仕終。

太宜人張氏內助。稱賢。性儉素。不御重綺。與先太公同甘苦。治家嚴整。訓公等以義方。鄉里中咸矜式焉。所生男三。伯曰凌霄。號寶亭。由從九職銜加捐吏目。男一女一。仲曰凌雲。號梓亭。男二

由國防出力。贈明經進士。尋捐布政使理問銜。加捐五品藍翎。曾請三代五品誥命。入建家祠。生平事蹟。另有傳。茲不贅。三曰凌霄。即雨亭公。女。二長適良石村貢生臺臣王爾輔先生。因無子。以侄用中為嗣。即現時泰元湧號之東君也。次適吳莊村習氏。生子三。嗚呼。燕桂鄭蘭。篤生不偶。觀公之家世。而後知天降哲人。淵源有自矣。

公生而穎異。不類羣倫。入塾就學。即懷大志。七歲

劉雨亭先生事略

二

西安縣志

失怙。擗踊哭泣。幾不欲生。其純孝之心。蓋鍾於天性也。兼之少運多否。遭家不造。而儉素勤苦。勵志益誠。年九歲。即知自立。農忙之候。挈竹籠手拾麥穗。禍生不測。跌入窖中。被破磁損傷。幾乎斃命。幸賴天相吉人。月餘而創愈。於清同治五年。疥瘡繞身。疼痛苦楚之狀。公至今猶歷歷記憶。曾為人道及之。此時之危難。可謂筆楮難窮矣。無何又遭一大劫。此大劫中為公終身事業。練膽力擴識

見之一大局場也。至難至險之現象。紛至沓來。雖然愈危難而愈氣勝者。雨翁之特性也。歲寒見松柏。疾風知勁草。世間有心人。請拭目以觀。公之當此大難者何如矣。清同治六年。公時年十一歲。花門之變。猖獗吾郿邑之地。公以衛母之故。被賊瞥見。縛至馬上。入賊營中。當此之時。歸則不能。死則無地。腥膻雜處。舉目皆非。東望故鄉。暗中墮淚。危困之情形可知矣。後賊營屢禁屢走。行

劉雨亭先生事略

三

西安縣志

蹤靡定。至延安府泰伯鎮。停住數月。復移董子原地方。最後至金積堡。每至一處。晝則下溝挑水。夜則斬草喂馬。入冬以來。身無完衣。破羶毛袋裹體而已。終日苦役。不敢稍息。偶一懈怠。則鞭撻隨之。刀鋸在前。鼎鑊在後。亦成司空見慣。無可如何。噫。嘻乎悲哉。他人處此。未有不神奪氣沮。捐軀異域者。而公以青年幼穉之童子。立於四面楚歌之中。不懼不怯。卒免於難。豈徒其心力強。識見高。蓋

其體魄亦必有大過人者。塞翁失馬。安知非福。

公此一場大劫。為將來大飛躍之地。步者不少焉。

第二節 自回營歸途中之險象

清同治八年。欽差大臣左文襄公。奉命勦辦回匪。忠壯公劉松山。親身督戰。在金積堡開仗。賊大敗。奔北逃竄。聞風喪膽。斯時也。甘省東部一帶地方。皆為賊所蹂躪。白骨蔽野。十室九空。鬼火狐鳴。荒涼滿目。傷心慘悽。有如是也。而公亦步亦趨。置

劉而亭先生事略

四

西安縣志卷之四

死生於度外。始奔走於銅圍鐵馬之中。繼逃散於血雨腥風之裏。前此營中險象。而公之心緒。曾無撩亂。壯淚曾無點滴。至是亦不得不腸百結。故淚如傾矣。歷觀古今豪傑偉人。所紀危難困苦。驚心動魄者。不一而足。未有自入患難。自出患難。一再。再而三。如兩亭公者。殆以患難為兒戲也。賊既潰散。公乘機脫歸。晝伏夜行。途中所乘之馬。路過溪澗。坡陡甚。人困馬疲。一時並跌落崖下。

劉而亭先生事略

五

西安縣志卷之五

馬立斃。公昏暈不知人事。更一日夜始蘇。榜腹雷鳴。人煙望斷。當是時。顧天無路。呼地無門。自以為不死於犬。必死於狼。幾幾乎無復生路。幸賴天牖其衷。通身汗出。痛稍止。緩步能行。復沿峪谷而走。饑無食。寒無衣。經過之地。雞犬不聞。鼠雀皆空。沿途探礮眼之糖。擊石引鍋煤之火。其困阨為何如也。雖然。尤有一可驚可怖之事焉。一日者。日色薄暮。夜宿村落。屋坑皆死尸堆積。聞無一人。半夜

時院中光明。有如白晝。起而視之。則一巨蛇遙吸死人。公驚駭無措。夜伏甕中。至曉時而蛇亦不為害。晝行道中。遇一紅衣婦人。哭泣哀甚。近視之則撲然而滅。化為烏有。嗚呼。豈磷火之光耶。豈冤魂之鬼耶。其神靈之默佑也。行有數日。抵慶陽府之西峯鎮。時值年荒。該處賑濟貧民。有上官駐紮。公亦欲邀升斗之糧。聊充饑腹。旁觀之人。指為回逆。欲置之法。上官令公

誦三字經。公背誦熟甚。上官喜曰。吾幾屈汝命。令即給糧一升。朝夕度用。蓋至是而瀕於危死者屢屢矣。噫。執筆至此。心驚膽戰。為公危。為公懼。而况其為親身閱歷也。其感慨為何如哉。當是之時。公歸心似箭。奈道阻且長。插翅難飛。沿門乞食。予胥吹簫。千辛萬苦。九死一生。於清同治八年五月五日。始抵古洽陽之桑梓地。孟子曰。故天將降大任於是人也。必先苦其心志。

劉雨亭先生事略

六

西華縣先哲叢書

勞其筋骨。餓其體膚。空乏其身。行拂亂其所為。所以動心忍性。增益其所不能。今讀是書。為先生悲。又不禁為先生喜。而始歎古往今來如出一轍也。

第三節

公至蘭時泰元湧號事之拮据

當公之未至蘭垣也。萱堂日永。膝下承歡。光陰似箭。忽忽二年。時年十五。遵慈命棄儒就商。側身澄邑之某錢莊。然而枳棘之中。不可以棲鸞鳳也。

水之內。不可以養蛟龍。長材短馭。終非長久之計。鬱鬱不得志者又二年。無何。慈顏永別。夢想熊丸。彌留時。囑公曰。刀槍林中。爾所親受。嗣後幹事。努力自愛。毋忘前苦。嗚呼。公聞此言。如冷水澆背。豁然夢醒。此後堅忍耐勞。以成一生之事業者。實基於此。

清光緒元年。公年十九。泰元湧先東君縣丞治廷王爾佐先生。有知人之鑑。奇公之才。風塵物

劉雨亭先生事略

七

西華縣先哲叢書

色待以青眼。命公西上伊號內習學。此公英雄發軔之始。否去泰來之一候也。斯時也。駸駸乎有神驥出櫪。鸞鳳脫羈之志矣。歲月如梭。至是而已忽忽六年矣。此六年中。元配李孺人歸娶。又伯兄捐館。一則以喜。一則以悲。實公一生極寂寞之生涯也。生意平常。終年勞碌。所得無幾。光緒丙戌。號內李司事謝世。同儕失睦。先王東君復來。知人善任。整頓規模。知公可付以大事。謂公曰。

驚鳥累百。不如一鶚。而今而後。泰元湧列號人等。事務一切。惟君聽命。有不遵約束者。立即斥退。但資本薄弱。基礎不穩。事成吾少受其利。萬一拮据。徐圖善後。毋使負債東歸。幸甚。噫。王東待。公慷慨明志。如青天皦日。而公此時。亦可謂任大責重。全權之在握矣。

自古志士仁人。大任之降。若不遽降。將欲與之。必先斬之。且必先有一番無數波瀾。無數曲折。磨鍊

劉雨亭先生書略

八

西安書局印字館印

之。挫折之。使之養其鋒而蓄其銳。慘淡經營。冥冥之中。自有位置。嗚呼。造物之用心。亦良苦矣。

第四節

公之苦心與泰元湧事業之發達

維時泰元湧號事。如一團散沙。不可收拾。腐敗之象。已達於極點。非大經濟家。出而整頓之。則萬乎不可。公受任以來。夙夜籌畫。恐負託不效。以傷東君之明。於是振奮其堅忍強毅。百折不撓之心。以全幅精神貫注之。而後此根深葉茂。本固枝榮。

之泰元湧以成。

驚鳥將擊。先修羽翮。狡兔遠行。必謹瞻視。古今立大業作大事。非一手一足之力所能成。公嘗謂人曰。天下理繁治劇。首在得人。人材既得。則萬端自理。人材不得。則諸事敗壞。公之此言。理財如是。即治國亦莫不如是。可謂隻眼獨具。高人一籌者矣。其在號也。示儀軌。立科條。裁決精敏。號規嚴肅。同事之人。功雖微而必賞。過雖小而必懲。且也

劉雨亭先生書略

九

西安書局印字館印

無功怠惰者。雖親必斥。輸情服罪者。雖過可原。由是上下之人。皆懷其德而畏其威。而尤汲汲於引掖後進。如良相之治國也。先固其本根。如良醫之治疾也。必培其元氣。國體既正。再言外交。朋友往來。首重信義。信義之人。一諾千金。可以相託。譎詐者。即當時富貴。亦所不取。金城地面謂之曰。泰元號。劉某。可謂才大心細。勝任而愉快者。此時之事業。遂蒸蒸日上。大有一瀉千里之勢焉。

公之理財也。識見高超。手段活潑。凡事審慎精密。不萬全不發。故能所向有功。戰無不捷。有志者事竟成。苦心人天不負。其信然哉。

數年之間。聲望益隆。轉因為亨。隴上之地。泰元湧事業。周流殆遍。清光緒二十三年。在三原設一福泰昌布莊。赴湖北搭布。仲兄凌雲為總理。現今司事者。為党育賢先生。無何於蘭省南關。又設一泰元布棧。招徠商賈以利交通。泰元湧之再造。王東

劉雨亭先生事略

十 西安黨先印字館印

之福。而賢雨翁之力。近數年來。於湖北安化縣設一湧和公茶號。董其事者為趙周先生。再安堡分設泰元外號。西安省分設泰元亨號。各處事務。皆公管轄經理。蓋至是而公之大功成矣。至是而公之心血亦瘁矣。

公器量恢宏。惟以培植人材。獎拔善類。為一生不二之法門。故數十年來。羣英濟濟。出類拔萃之士。亦復不少。如謝氏兄弟。棠棣聯芳。一門競秀。伯曰

厚齋。即現時泰元湧列號之代表。而兼全甘總商會之正會長者。李曰弼臣。西甯湧號之管事者。此外又有梁善甫。馬子安。党震發。楊功臣等。皆忠信篤實。老成練達。勞績素著。卓卓特出。一時之俊。蓋公之用人。不屈才亦不忌才。隨材器用。不拘小節。卒能建樹鴻功。而成一篤實輝光。璀璨爛熳之大事業。噫。偉矣。

昔者白圭自言理財。猶孫吳用兵。商鞅行法。初讀

劉雨亭先生事略

十一 西安黨先印字館印

此書亦未深信。後世之計學家。奉為主臬。無以過之。今觀先生所為。措置擘畫。經濟裕如。觀變審時。一日千里。亦法家之商鞅。兵家之孫吳乎。故能轟轟烈烈。於商界之中。特樹一幟。而稱為一時之巨擘云。

第五節 治家之嚴整

公器量沈重。不苟言笑。數十年來。小心謹慎。如一日焉。在家在外。事無大小。皆本篤實敬謹之心。以

將之。故一生所為。無懈可擊。家庭之內。太和翔洽。萃於一堂。處置一切。井井有條。門以內秩然。藹然。足然。大家風範。少年時奉侍二親。孝敬無間。稍長。篤於天倫。伯仲之間。和樂且耽。長兄凌霄享年不永。公嘗心焉痛之。以未克盡事兄之道為憾。中年後食指漸繁。兄弟析居。家中負債若干。公慨然以一身任之。毫無德色。其忠厚類如此。仲兄彌留時。任運生年方十歲。公即為完婚。以慰乃心。

劉雨亭先生事略

十二

西安縣先印字館印

歿後修墓殯葬。同侄經理之。又見運生年幼。從之同居。與其子一同讀書。其事兄如父。待侄如子。出之至誠。視令之骨肉陌路者。何啻天淵哉。因長侄慶驥家計艱難。特為籌資生息。以為若侄孫讀書不時之需。先是元配李孺人無出。撫女螟蛉。已適名門。又自蘭娶陳氏。亦無出。次娶曹氏。即長子慶蘭所出也。曹氏歿後娶方氏。產瑞生。暨二女。琴瑟更張。莫不靜好。

公處境變幻。而勵志之心。老而彌篤。在家偶有暇時。教子讀書。手不釋卷。往往擇古聖賢之懿行格言。親手抄錄。以為子孫輩誨解。使之躬行實踐。嘗曰。聖賢學問。持身涉世。孝悌忠信。原是力行。非徒謂記誦詞章。專事空談已也。噫。公此一言。殆所謂獨見其大者歟。而且寓威嚴於寬厚之中。子侄稍有。不守法者。朴槌責斥。使為速改。全無隱忍姑息。故慶蘭等上承庭訓。令器克家。閭里欽羨。謂為

劉雨亭先生事略

十三

西安縣先印字館印

祖先積德所致。而不知為公之家庭教育。早端基礎。非一日也。

昔者唐河東節度使柳公綽。在公卿間。最名有家法。子弟遵守。未嘗一日變易。為後世縉紳家楷範。漢張湛居家。動止有則。及在鄉黨。詳言正色。三輔以為儀表。先生之治家。恭恕勤儉。一言一動。皆可為法。即較之古人。亦何多讓焉。

第六節

桑梓金城兩地方之義舉

公勞苦半生。雖棲身貨殖之場。而愛書如命。每見古人之中。嘉言懿行。有足為後人之楷模者。輒中心好之。以冀身體而力行。而尤汲汲於祖先之祭祀。神事之建築。必敬必誠。故生平所舉行者。美蹟善政。指不勝屈。謹擇其大者而述之。以為吾人仰止之高山。

先是 公自賊窠歸。其母

先太宜人。悲喜交集。謂之曰。汝逃外時。我因村中

劉雨亭先生事略

十四

西安靈光印字館印

予嗣聖母諸神。鑒駕不備。默祝吾兒歸家。為神作會。今已如願。此事切不可忘。夫和丸教子。晝夜學書。古今傳為美談。公有母如是。洵不愧為中饋丈夫。而 公之始終。能遵是教者。亦可謂不負初心矣。後 公手事就緒。財用稍舒。與仲兄凌雲。商議首建宗祠。門前闢帝廟。歷年久。漸次傾圮。公捐助重修之。又與先知友劉泗臣先生。各捐壹百金。公執簿兩次。共募得肆百餘金。創立合村鑒

駕會以壯觀瞻。非藉以邀福。蓋遵母氏

先太宜人。之遺囑也。後又建卷棚置諸物。井井有條。塑倉聖呂祖像。以追報斯文。刊藥籤以療民病。造靈車以送死墓。繪天地圖。施響器。以興社事。凡廟宇有傾頹者。必周旋以募之。橋道有朽壞者。必攸助以修之。種種善行。衆口成碑。

蘭垣者。公之第二故鄉也。一切善舉。桑梓而外。即推此處。茲舉其至要者二事。以概其餘可也。先

劉雨亭先生事略

十五

西安靈光印字館印

年蘭省城隍行宮長燈會。因月收錢不齊。派為漸減。公努力約列會首。募化肆百餘金。以權子母。勒立石碑。前輩香燈賴以不息。號內先同事者。與堂弟銀兩夥。事涉曖昧。後死全數吞噬。陰魂請 公主持。公周旋兩地。閭閻為解決。魂至 公處。親來叩謝。亦奇事也。此等不負先人之遺命耶。神。豈徒光前裕後。不負先人之遺命耶。

不特此也。生平尤能周人之急。濟人之難。鄉里親戚。吉凶婚葬之事。量力周濟。無少吝惜。親朋燕會之時。飲食一切。必期豐盛。操守謹嚴。而自奉則淡如也。有族人某某者。貧乏不能自存。欲告貸於公會。公病。伊亦中止。未幾伊病卒。村人有與公道其事者。公即時餽朱提若干。且臨喪以哀之。即此一事。而公之待人可知矣。而公之一生存心可見矣。近數年來。又欲於村中設義倉義

劉雨亭先生事略

十六

西安廣光印字館印

學。教導後生。施惠窮黎。現已籌就若干金。再擬於數年中。復籌若干金。逐漸辦舉。畢臻完善。上緩之後。交村中經營。如范文正公義田故事。值此時局遷徙無定。故此事尚未辦。而為公心中之遺憾。昔者于公善治冤獄。大興駟馬之門。竇氏廣積陰功。高攀五枝之桂。先生一生德行。美不勝述。據此理而論之。今日慶蘭等階下林立。圭璋令器。蘭桂爭芳。門閭昌大。固其宜也。

第七節 四方名勝之遊歷

遊歷者。苦事亦樂事也。道路修阻。僕僕風塵。車殆馬煩。夕陽黯淡。苦矣誠苦。然而每易一地。殘山剩水。廢址荒邱。流連風景。興味無窮。皆足以俯仰徘徊。增無數感觸。而況其為通都大埠也。夙昔卧遊一室。何處為形勢險要。何處為水陸距離。錦繡江山。會心寓目。而況其為當場快靚也。人生至此。則又為極樂之境。

劉雨亭先生事略

十七

西安廣光印字館印

民國二年時。公春秋已五十有七矣。功成告退。脫然無累。息肩同人。徧遊名勝。於吾秦之地。登覽太華諸名山。超然如世外之人。復次河南抵北京。由天津至上海。此行也。漢口九江鎮江安慶南京武昌。舉東南各省名都勝會。周遊殆遍。陸路則乘火車。水道則駕輪船。城市則登電車。於山見終南嵩華之高。於水見黃河揚子江之大且深。而眼界胸襟。為之一擴。

最後遊前藏塔兒各寺等觀。金碧輝煌。佛地番民觀經輻輳。別有天地。殊非人間景況。其快樂為何如哉。所居之地。耳其名者。爭先承迎。非令德遐敷。何克臻此。

尤有大過人者。終身事業。雖居商戰之場。而始終以治心養性為本。於世利紛華聲色遊晏。以至於博奕奇玩。淡然無所好。故可常可變。可困可享。可患難可安樂。無入而不自得。孟子云。富貴不能淫。

質賤不能移。其信然哉。

大凡人有不為也。而後可以有為。無所不為者。必其無能為者也。先生今日之快樂。皆自其有不為中艱苦中賺來。數十年攻苦心力。不知幾經危難。幾經閱歷。幾經戰事。而始克如願而償。一至此飛躍之地步。豈偶然哉。豈偶然哉。

第八節 蘭省榮歸現時之情狀

先是 公由鄭工例。捐從九職銜。清光緒乙巳為

劉雨亭先生事略

十八

西曆一千九百零四年

劉雨亭先生事略

十九

西曆一千九百零五年

辦青海番案出力。蒙西甯辦事大臣准請五品藍翎。宣統庚戌奉部劄委任協理。創辦全甘商務總會事。受任以來。夙夜盡心。無荒無怠。本公德之熱誠。盡民國之義務。兼之洞達人情。老成練達。於商界之中。利弊情形。無不瞭如指掌。以故片言折獄。彼此悅服。僑友之中。有爭訟者。排解之。平決之。兩造無不聽從。各界人民一經往來。莫不心藏而心寫。由是鴻聲駿烈。遠邇咸欽。蘭垣市面。識與不識。

皆知 公為長者。其德望之隆。一時敬重者如此。同事感其才能。上官服其德義。至民國四年。又請公繼任總理。公託故遠行。遂遊西甯各處。後此交卸東歸。時蘭省各商界中。公贈衆望所孚四字匾額以表揚之。且陸續呈贈大屏三架。祝 公花甲慶壽。臨行時。祖餞東郊。以榮寵之。噫。公之此時。亦可謂樂以忘憂者矣。

五年二月內。公東旋自甘抵秦。暫駐池陽。嗣後

執事東君。因土匪滋事家中不能寧居。亦到原邑與公商議。同往省。合住一屋。暫為棲身。公來往省原間。料理號事。未嘗少休。暇時輒教子侄輩讀書。時年過花甲已六十有一矣。精神矍鑠。無異童年。立德立功。洪範之福真備九。宜孫宜子。華封之祝已兼三。後此杖國杖朝。眉壽無疆。龜齡鶴算。理所宜然。此公一生事畧之大槪情形也。入後緣由。再為續補。

劉雨亭先生事畧

二十

西安蕭九印字館印

聞嘗聞之富貴者送人以財。仁者送人以言。雖不能富貴。願竊仁者之號。亦送先生以言。先生樸誠敦厚人也。性明決。慷慨自矢。主敬行恕。為一生處世之大方針。且度量渾涵。始終不露圭角。殆所謂謙謙君子。晚成大器。洪鐘無聲者歟。

結論

總而論之。前數十年。類是憂患之場。後數十年。類是安樂之境。而綜計前後數十年間。則忽憂患忽

安樂。忽安樂忽憂患。則又為憂患安樂互為乘除之數。大抵人生祇此百年。不能純是憂患而無安樂。亦不能純是安樂而無憂患。始安樂而終憂患。則為由泰而否。鼎折足覆公餗。凶人之象也。始憂患而終安樂。則為由屯而亨。履薄臨深。戰兢恐懼。乾乾終日。艱貞无咎之象也。如雨亭君者。其人之事奇。其境遇尤奇。聞先生之風觀先生之行。碩夫廉懦夫有立志。噫。讀斯傳者可以興矣。

劉雨亭先生事畧

二十一

西安蕭九印字館印

清授修職郎甘肅補用縣丞宣統己酉科優貢生愚晚雷演雲謹撰

跋後

東坡雷夏峯先生所撰公一生事畧。言簡意該。大致略備。用中何敢再贊一辭。以貽白璧之玷。然有不能已於言者。公之困難在回劫中。而公一生之建樹實在小記中。是公終身事蹟。與小記奉元湧大有關係也。猶憶清光緒丙戌號內事

司事辭世。老成彫謝。同儕失睦。拮据孔艱。筆難言狀。當是時危局岌岌。存亡呼吸之際。間不容髮。信哉大廈之傾。非一木所能支。而公以百折不回之心。夙夜憂勤。作中流之砥柱。始為整頓規模。繼為鍛鍊人材。終為使小記事業根深蒂固。闢隴之地。稍有微名。雖曰諸公同心協力。而我公領袖提倡之大功。自不可沒也。今日者寒門用度。不至匱乏。窮源溯本。皆我公福蔭之所賜也。隆恩無既。感何可言。至公一生處境。不外乎憂患安樂。而其所得力處。實在乎敬恕二字。敬以持己。恕以待人。造次顛沛。亦必如是。蓋無時無地。無不致其敬行其恕云。日月催人。桑榆景迫。甲滿花齡。周而復始。蓋至是而始終小記中者已四十餘年於茲矣。晚近商界中。如我公人品心術。豈可多得哉。用中等食公之惠。思公之功。中心愛戴。無日或忘。爰跋數語。以誌不朽云。

清授奉政大夫藍翎五品銜附貢愚外甥王用中
謹跋

執亭王用中
厚齋謝天祐
等印送

大中華民國六年秋八月

洽陽劉雨亭先生事略

訃

幕設浙江瑞安縣城會文里本宅

門衰祚薄又殃次男芾原名黻宸字
介石慘於中華民國六年七月三十
一日午後十時即古曆丁巳年六月
十三日亥時疾終寢右距生於清咸
豐丁巳年十一月初五日未時得年
六十有一麟書命孫同哲親視含殮

即日遵禮成服忝在

族年寅世友朋

誼洎此以

聞

擇於陽曆九月十四日申時

反服生陳麟書泣稽首

繼慈命稱哀

孤哀子

中哲同哲

泣血稽顙

齊期孫守

遠推矩

泣稽首

期服姪

文懷先

泣稽首

功服姪孫

珪屏法

拭泪稽首

護喪功服姪孫陳羣拭泪稽首

哀啟

哀啟者 先君初諱敬宸改諱帝字介石 大父琳山公之仲子也 先君兄弟三人 先伯父燃石公少有文行十歲補學官弟子負神童之望士林聞聲稱籍甚而 先君從受書及受允篤摯數載 先伯父以疾卒 先君哀慟逾常大病幾殆當是時 先曾大父潤甫公暨 大父與 大母林太恭人皆在堂既失長孫家子咸悲痛不自主而 先季父醉石公尚幼 姑母六人其四皆未笄 先伯父遺孤從伯兄懷僅五歲從仲兄朋僅一歲一家食指數十惟 先君是依鄉黨親戚來問疾者皆以是相勸慰 先君亦以親在強自制勉進湯藥久而後瘳 先君體故強壯既漸復其初益攻苦發憤以圖自立振家聲自 先伯父卒後而 先君歷舉孝廉登甲科居則為書院山長學校監

督教習垂四十年出則歷部郎為浙江全省諮議局議長及眾議院議員皆有嘉惠懋績一發語而天下振動海內嚮風家聲因稍稍起矣而 先君顧深自謙謂功德未足以及民終不能宣揚父母有負義方之訓徒以開闢負米盡人子毫末之職而數十年中天屬之親屢有死喪憂患攪心輒復疾痛惻惻不能自己凡歷 先曾大父 先二姑母 先四姑母故從仲兄朋暨余氏亡妹之喪皆哀慟致毀瘠咸以 大父母故忍情遵禮而 先叔父既稍長漸精醫藥對泣相恤調護尤竭心力得無恙及今茲五月 先叔父以疾捐館舍 先君方從五千里外冒暑奔視入門旬餘遽遭大變卒以悲弟自傷浸至成疾不一月遂終棄不孝同等而長逝矣嗚呼痛哉竊維 大父母所生三子各有殊

雖出處之跡稍異而束躬四勿咸歸一致 先伯父既不幸無壽貴志以歿於世 先叔父則又抱樸葆真浩居自順不求聞達於四海獨 先君立身行誼推所自得欲以兼善天下天下亦共知其名其道德學術才識事業中外人士類有能言之者然其天性過人骨肉之間燕居之際一言一動足為世法而未著於外者尤不可勝數不孝同等侍奉無狀不足以繼事述志然猶髣髴一二懼終淪沒以滋罪戾雖萬死無濟謹粗具大略為 當世大君子告初 大母懷 先君時任身凡十月庭多奇徵既產有異眾驚觀之際容貌輒如成人造次進退必有規矩準繩無修習矯強之難孝事 生曾大父母暨 大父母乃至敬兄撫弟篤愛姊妹皆真摯自然久而彌固氣色